

7217

ГРАДСКА УПРАВА ЗА ИЗВОРНЕ И ПОВЕРЕНЕ
ПОСЛОВЕ - ГРАД НОВИ ПАЗАР
GRADSKA UPRAVA ZA IZVORNE I POVBRENE
POSLOVE - GRAD NOVI PAZAR

Primaljeno / Primaljeno 14.05.2024

Opstanak Organ	Opstanak Orgjed.	Broj Broj	Prilog Prilog	Broj Vrednost
I		OG	101/24	

Grad Novi Pazar
Skupština grada
Odbornička grupa SDA Sandžaka
Novi Pazar
13. maj 2024. godine

OP: 584

**PREDSJEDNIKU
SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU TROMJESEČNOG IZVJEŠTAJA O RADU JAVNIH PREDUZEĆA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 14. maja 2024. godine.

Odbornici SDA Sandžaka u Skupštini grada

Merfid Kamešničanin, predsjednik odborničke grupe, dr. Adem Đerlek, odbornik
Dinheta Pulić, zamjenik predsjednika odborničke grupe, Džanan Bačićanin, odbornik
Maida Baltić Spahović, odbornik, Saima Brunčević, odbornik
Kenan Kadrić, odbornik, Kadir Trubljanin, odbornik
Adem Pepić, odbornik, Ilma Dupljak, odbornik

Ovlašteni predstavnik predlagača je odbornica Maida Baltić Spahović

PRIJEDLOG

Na osnovu člana 46. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018),) i člana 147. Statuta grada Novog Pazara, („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 14. maja 2024. godine, donosi

ODLUKU

o dostavljanju tromjesečnog izvještaja o radu javnih preduzeća

Član 1.

Obavezuje se Gradsko vijeće Grada Novog Pazara da Skupštini grada dostavi na razmatranje tromjesečni izvještaj o radu javnih preduzeća čiji je osnivač Grad Novi Pazar, za period januar – mart 2024. godine.

Član 2.

Ovu odluku objavit u “Službenom listu grada Novog Pazara”.

SKUPŠTINA GRADA NOVOG PAZARA

Broj:

U Novom Pazaru, 14. maja 2024. godine

PREDSJEDNIK

O B R A Z L O Ž E N J E:

Pravni osnov za donošenje odluke:

Pravni osnov za donošenje ove odluke je sadržan je u:

- članu 46. Zakona o lokalnoj samoupravi;
- članu 147. Statuta grada Novog Pazara;
- članu 137. Poslovnika Skupštine grada Novog Pazara.

Razlozi za donošenje odluke:

Članom 46. stav 1. tačka 5b Zakona o lokalnoj samoupravi utvrđena je obaveza Gradskom vijeću da Skupštini grada podnosi tromjesečni izvještaj o radu javnih preduzeća. Identična obaveza utvrđena je i članom 63. Zakona o javnim preduzećima.

Gradsko vijeće i pored izričite zakonom utvrđene obaveze nije Skupštini grada dostavilo na razmatranje tromjesečni izvještaj o radu javnih preduzeća, što predstavlja grubu povredu zakona. Odbornicima i građanima se konstantno uskraćuje pravo da na zakonom propisan način budu upoznati sa radom javnih preduzeća preko kojih se u najvećoj mjeri ostvaruje uloga lokalne samouprave kada je u pitanje zadovoljenje elementarnih potreba građana.

Imajući u vidu da su planovi i programi rada javnih preduzeća usvojeni od strane Privremenog organa, odnosno prije nego je Skupština grada konstituisana i prije nego su potvrđeni mandati odbornika u novom sazivu, donošenje ove odluke je od izuzetnog značaja jer odbornici a ni javnost nisu upoznati sa planovima i programima rada javnih preduzeća za 2024. godinu. Odbornici ne znaju da li planovi i programi javnih preduzeća sadrže sve elemente utvrđene Zakonom o javnim preduzećima, niti znaju koje su aktivnosti javna preduzeća planirala u 2024. godini i kakvi su finansijski i investicioni planovi i očekivanja u ovoj godini. Upravo, činjenica da se planovi javnih preduzeća skrivaju od odbornika i javnosti jeste dodatni argument zašto je neophodno donijeti ovu odluku i obavezati Gradsko vijeće da ispuni svoju zakonom propisanu obavezu i Skupštini grada dostavi na razmatranje izvješta o radu javnih preduzeća za period januar – mart 2024. godine.

Kvalitet života građana u velikoj mjeri zavisi od efikasnosti rada javnih preduzeća. Upravo ih tih razloga neophodno je prekinuti praksu da se krše zakoni na štetu građana.

Ograni Grada dužni su da postupaju u skladu sa okvirima koje nameću zakoni te da svaku javnu djelatnost učine vidljivom, jasno mjerljivom i lako dostupnom građanima kojih se tiče. Lokalna samouprava je inače Ustavom i zakonom definisana kao pravo građana da neposredno i preko slobodno izabраниh predstavnika upravljaju javnim poslovima od neposrednog, zajedničkog i opšteg

interesa za lokalno stanovništvo. Iako lokalna samouprava postoji zbog građana u Novom Pazaru se stiče dojam da je sasvim suprotno.

Usvajanjem ove odluke se, takođe, Gradsko vijeće "privodi nameni" u smislu ispunjavanja svojih obaveza koje do sada nisu izvršavane.

Neusvajanje ove odluke kao posledicu može imati sprovođenje odgovarajućih inspekcijskih nadzora nad zakonitošću rada lokalne samouprave te izricanje utvrđenih sankcija.

Objašnjenje pojedinačnih rješenja propisanih ovom odlukom:

Član 1: Utvrđena je obaveza Gradskog vijeća da Skupštini dostavi na razmatranje tromjesečni izvještaj o radu javnih preduzeća.

Član 2: Propisana je obaveza objavljivanja u ove odluke u „Službenom listu grada Novog Pazara“

Finansijska sredstva za sprovođenje ove odluke nisu potrebna.